

de Boonte Störrem



- nuitsbreef vaan zate hermenie Blamaasj opgeriech 1900 + 8x11 -

GANS GRATIS EN VEUR NIKS

Beste leijs,

Op de ierste plaats netuurlik de allerbeste winse veur 't jaor 2024!

Hopelik zeet geer de Keersdaog goot doorgelome en höb geer e sjoen jaorwisseling gehad.

Geer welle veer uch met dizze ierste nuitsbreef van 2024 op de huugte bringe vaan onderstaonde onderwerpe:

Trökkoppeling ope bestuursvergadering

Op 11 december is de ope bestuursvergadering gewees boe eederein kos mètdinke euver de invölling vaan de vastelaovendsdaog. Veer höbbe vaol reaksies gekrege, zoewel via de meel es op de vergadering, sjiek!

Oet de reaksies blik tot de aovende en speulplaatse es groetste oetdaging veur Blamaasj weure gezeen. Veural de maondigaovend, dee al sinds 2019 in de ALV notule weurt benump. Daoneve zien ouch nog get tips euver de invölling vaan de daog in 't algemeen of vaan specifieke activiteite benump. Heij onder 'n euverziech vaan de reaksies:

- 'Ne vastelaovend zonder Blamaasj kin iech miech neet veurstelle!
- Blamaasj zow zoevöl meugelik moote speule
- Jaomer tot dr lui zien die neet koume rippetere en hiel hel door de res heen speule
- 'T doort te lang veurtot veer 's aovends vertrèkke bij Paulus, dat zörg veur frustratie
- 's Aovends is Blamaasj muzikaal minder good es euverdaag
- 's Aovends überhaupt neet mie speule
- 's Aovends afspreke um 20.11 en daan um 20:33 vertrèkke, of veer compleet zien of neet
- Strakker op de tied sture um weijer te goon, ouch es veer örges stoon
- Gein eetpauze mie hawwe, mèr langer doorspeule tot (beveurbeeld) 20:00 of 21:00 oor, daan stoppe en zonder instruminte weijer
- Es veer 's aovends neet (kinne) doorspeule en/of op de verkierde plaats stoon, vèlt de club oet-ein
- 'Ne concrete eindtied afspreke, zoetot 't 's aovends neet doet blooijt
- De route oetbreije met bijveurbeeld de Tribunal of zelfs Wyck
- Veural neet oetbreije naor de periferie vaan de stad boe men veur leeg straote en kaffee's späölt
- Iech kom de maondigaovend neet veur miechzellef, mèr um de res neet in de kaw te laote stoon
- De maondigaovend vrije invölling geve (zonder instruminte)
- Maondig euverdaag speule in plaats vaan 's aovends
- Op dinsdig iers nao de Vriethof goon, foto make en daan door de stad trèkke
- Aander verzamelpunt veur 's aovends
- 's Aovends neet mie rondtrèkke door de stad, mèr per aovend ein of twee vaste plaatse aonhawwe
- Beter beijein blieve stoon es veer bijveurbeeld de Stokstraat in loupe
- Veuraof 'n planning make welke kaffees aon te doen

de Boonte Störrem



- nuitsbrief vaan zate hermenie Blamaasj opgeriech 1900 + 8x11 -

GANS GRATIS EN VEUR NIKS

Vastelaovendprogram 2024

Zoe es geer kint leeze zien dr hiel vööl winse en is 't onmeugelijk um 't veur eederein good te doen. Veer höbbe geprobeert um de belangriekste zake, of boe de mieste luij behoefte aon höbbe mèt te numme en te verwerke in 't Vastelaovendsprogram van 2024.

Op tied vertrèkke

Veer vertrèkke op dn aofgesprooke tied, ouch al zien veer neet compleet. Zeet geer toch verlaat, laot 't daan aon eine vaan 't bestuur wete daan deile veer de lokasie vaan Blamaasj.

Eindtied

In de kallepin steit noe euveral 'ne eindtied opgenoome, zoetot eederein weit boe heer aon tow is en denao zien eige plan kin trekke.

Speule op maondegmiddag

Veer goon speule op maondagmiddag in plaots vaan maondagaovend. Verzamele beij Kaffee Paulus en daan iers nao de Struijs. In de aovend is eederein vrij, en veur wee zin heet um same op stap te goon, 20.11 beij Hallo Mestreeg.

Dinsdagaovend op tied stoppe

Op dinsdagaovend verzamele veer beij La Clé en sleete same aof beij Kaffee Paulus um 22.33 oor. Vervolgens loupe veer (zonder instremint) nao de Vriethof um 't Mooswief aof te laote.

Verzamelpunt

Um e bitteke diversiteit aon te bringe verzamele veer op d'n dinsdeg beij 'ne aandere Kaffee daan Paulus. Geer krijg netuurlijk weer 'ne sjoene kallepin aongereik veurzeen vaan de precieze teije en verzamelplaotse.

Bovestaonde aonpassingen zalle veer same op de ALV nao vastelaovend bespreke en evaluere of mesjiens dinger aongepast mote weure veur vastelaovend 2025.

Rippetisie 7 jannewarie (bitterballetrefte)

Veer zien us **7 jannewarie um 14.00 oor** bij Kaffee Forum!

Complemente,

't Bestuur vaan ZH Blamaasj